

## SULDAL KONTROLLUTVAL

### PROTOKOLL

**Torsdag 4. november 2021** blei det halde møte i Suldal kontrollutval under leiar Tormod Skeie.

<b>MØTESTAD:</b>	Suldal kommunehus, kommunestyresalen og Teams
<b>MØTESTART-MØTESLUTT:</b>	kl. 10.00 – 12.15
<b>MØTANDE MEDLEMMER:</b>	Tormod Skeie (SV), Eldbjørg Sivertsen (Uavh.) og Henrik Halsne (Ap)
<b>MØTANDE VARAMEDLEMMER:</b>	1. vara Dag Fisketjøn (V) deltok på Teams og 2. vara Astrid Brommeland Sp)
<b>FORFALL:</b>	Ragnhild Sukka (V) og Per Gudmund Øxtra (Sp)
<b>FRÅ SEKRETARIATET MØTTE:</b>	Seniorrådgjevar Odd Gunnar Høie, Haugaland Kontrollutvalgssekretariat IKS
<b>FRÅ ROGALAND REVISJON IKS MØTTE:</b>	Forvaltningsrevisor Frode Gøthesen
<b>FRÅ ADMINISTRASJONEN MØTTE:</b>	Leiar for organisasjon og innbyggarkontakt Turid Vaage i sak 21
<b>ANDRE SOM MØTTE:</b>	Ingen
<b>MERKNADER TIL INNKALLING:</b>	Ingen
<b>MERKNADER TIL SAKLISTE:</b>	Ingen

### **FØLGJANDE SAKER BLEI HANDSAMA:**

#### **SAK 19/21 GODKJENNING AV PROTOKOLL FRÅ MØTE 14.09.21**

**Sekretariatet si innstilling:**

Protokoll frå møte i kontrollutvalet 14.09.21 blir godkjent slik han ligg føre.

**Handsaming i kontrollutvalet 04.11.21:**

Utvalet hadde ingen merknader til protokollen.

**Samrøystes vedtak i kontrollutvalet 04.11.21:**

*Protokoll frå møte i kontrollutvalet 14.09.21 blir godkjent slik han ligg føre.*

## **SAK 20/21 REFERAT- OG ORIENTERINGSSAKER 04.11.21**

32. Statusoversyn pr. november 2021
33. «Bekymring» - e-post frå Astrid Kvæstad 12.10.21
34. Evaluering av vertskommunesamarbeid om barnevern og PPT – rapport utarbeida av Telemarksforsking i 2021
35. Innkalling til representantskapsmøte i Haugaland brann og redning IKS 12.11.21
36. Invitasjon – Konferanse for kontrollutvalgene i Rogaland 02.12.21 i Sandnes
37. FKT-medlemsinformasjon september 2021

### **Handsaming i kontrollutvalet 04.11.21:**

Leiar gjorde greie for referatsakene. Tormod Skeie meldte seg på konferansen i Sandnes. Utvalet hadde ingen særskilte merknader til referatsakene.

### **Samrøystes vedtak i kontrollutvalet 04.11.21:**

*Suldal kontrollutval tar referat- og orienteringssakene 32 – 37 til orientering.*

## **SAK 21/21 ORIENTERING FRÅ ADMINISTRASJONEN – LEIAR FOR ORGANISJASJON OG INNBYGGARKONTAKT**

### **Sekretariatet si innstilling:**

Suldal kontrollutval tek gjennomgangen frå leiar for organisasjon og innbyggarkontakt Turid Vaage om hennar arbeids og ansvarsområde til orientering.

### **Handsaming i kontrollutvalet 04.11.21:**

Leiar for organisasjon og innbyggarkontakt Turid Vaage orienterte og viste ein presentasjon. Avdelinga var nyoppretta frå 01.08.21 og omfatta nesten alle merkantile ressursar i kommunen. Ho viste organisasjonskart og gjorde greie for dei ulike arbeidsoppgåvene til avdelinga. Medlemmene fekk svar på spørsmål undervegs.

Leiar takka for ei interessant orientering og ønskte lykke til med arbeidet.

### **Samrøystes vedtak i kontrollutvalet 04.11.21:**

*Suldal kontrollutval tek gjennomgangen frå leiar for organisasjon og innbyggarkontakt Turid Vaage om hennar arbeids og ansvarsområde til orientering.*

## **SAK 22/21 OPPFØLGING AV FORVALTNINGSREVISJONSRAPPORT «PSYKISK HELSEHJELP»**

### **Sekretariatet si innstilling:**

Suldal kommunestyre tar kommunedirektøren si tilbakemelding om oppfølging av rapporten om «Psykisk helsehjelp» til orientering.

### **Handsaming i kontrollutvalet 04.11.21:**

Medlemmene var nøgd med tilbakemeldinga frå kommunedirektøren. Utvalet ønskte å bli halden orientert om vidare oppfølging av rapporten og vil be kommunedirektøren om ei munnleg orientering om 12 månader.

**Samrøystes vedtak i kontrollutvalet 04.11.21 og innstilling til kommunestyret:**

*Suldal kommunestyre tar kommunedirektøren si tilbakemelding om oppfølging av rapporten om «Psykisk helsehjelp» til orientering.*

**Samrøystes vedtak i kontrollutvalet 04.11.21:**

*Suldal kontrollutval ber kommunedirektøren om ei munnleg orientering om vidare oppfølging av rapporten om «Psykisk helsehjelp» om 12 månader.*

**SAK 23/21 FORVALTNINGSREVISJONSRAPPORT – «KRITISK KOMPETANSE»**

**Sekretariatet si innstilling:**

1. Suldal kommunestyre har merka seg det som kjem fram i Rogaland Revisjon IKS sin rapport «Kritisk kompetanse» og tek denne til orientering.
2. Rapporten vert oversendt til kommunedirektøren for vidare oppfølging av rapporten sine 3 tilrådingar.
3. Kommunedirektøren gir tilbakemelding til kommunestyret via kontrollutvalet om oppfølging av rapporten innan 9 månader etter at kommunestyret har gjort sitt vedtak.

**Handsaming i kontrollutvalet 04.11.21:**

Forvaltningsrevisor Frode Gøthesen gjorde greie for rapporten og viste ein presentasjon. Han gjorde greie føremål, problemstillingar og metode. Revisor gjorde vidare greie for hovudfunna i rapporten, kommunedirektøren sin uttale og revisjonen sine tre tilrådingar.

Utvalet ønskte at kommunedirektøren kom med si tilbakemelding innan seks månader.

Leiar takka for ein interessant rapport.

**Samrøystes vedtak i kontrollutvalet 04.11.21 og innstilling til kommunestyret:**

1. *Suldal kommunestyre har merka seg det som kjem fram i Rogaland Revisjon IKS sin rapport «Kritisk kompetanse» og tek denne til orientering.*
2. *Rapporten vert oversendt til kommunedirektøren for vidare oppfølging av rapporten sine 3 tilrådingar.*
3. *Kommunedirektøren gir tilbakemelding til kommunestyret via kontrollutvalet om oppfølging av rapporten innan 6 månader etter at kommunestyret har gjort sitt vedtak.*

## **SAK 24/21 VAL AV NYTT FORVALTNINGSREVISJONSPROSJEKT**

### **Sekretariatet si innstilling:**

Suldal kontrollutval ber Rogaland Revisjon IKS om å leggje fram utkast til prosjektmandat på forvaltningsrevisjon eller eigarskapskontroll av ..... i neste møte.

### **Handsaming i kontrollutvalet 04.11.21:**

Leiar innleia. Han meinte det kunne vere aktuelt å velje «Styring og kontroll med investeringsprosjekt» no, sjølv om det ikkje var neste prosjekt på prioriteringslista. Medlemmene stetta framlegget.

Forvaltningsrevisor noterte seg innspel frå medlemmene og vil utarbeida eit prosjektmandat til neste møte.

### **Samrøystes vedtak i kontrollutvalet 04.11.21:**

*Suldal kontrollutval ber Rogaland Revisjon IKS om å leggje fram utkast til prosjektmandat på forvaltningsrevisjon eller eigarskapskontroll av «Styring og kontroll med investeringsprosjekt» i neste møte.*

## **SAK 25/21 FRAMLEGG TIL MØTEPLAN FOR 2022**

### **Sekretariatet si innstilling:**

Kontrollutvalet i Suldal vedtar følgjande møteplan for 2022:

torsdag: 24.02, 28.04, 02.06, 15.09 og 10.11 – kl. 10.00.

Utvalssekretær kan i samråd med leiar endre møtedato om det vert naudsynt.

### **Handsaming i kontrollutvalet 04.11.21:**

Utvalet hadde ingen merknader og slutta seg til framlegget.

### **Samrøystes vedtak i kontrollutvalet 04.11.21:**

*Kontrollutvalet i Suldal vedtar følgjande møteplan for 2022:*

*torsdag: 24.02, 28.04, 02.06, 15.09 og 10.11 – kl. 10.00.*

*Utvalssekretær kan i samråd med leiar endre møtedato om det vert naudsynt.*

## **YMSE**

Ingen saker blei meldt eller tatt opp.

### **Neste møte: torsdag 24.02.22, kl. 10.00**

Saker: kontrollutvalet si årsmelding, prosjektmandat om «Styring og kontroll med investeringsprosjekt», ny plan for orienteringar frå administrasjonen eller kommunale selskap.

Sand/Aksdal, 04.11.21

Tormod Skeie  
Leiar

Odd Gunnar Høie  
Kontrollutvalssekretær